



Nos morts

Angelina Cavegn-Hendry

05.08.1914 - 20.04.2008

Cara mumma schi luvrusa
pietusa e curaschusa,
per biars has giu quita
per tut sei engraziau.
Ussa gauda veta celestiala
dil Tutpussent la pagaglia.

Prender cumiau d'ina cara mumma, era en aulta vegliadetgna fa mal e lartg el ravugl da tuttas famiglias che han carezau l'Angelina tochen sia mort. Pari che bia lavur e quita ein bunas premissas da vegnir vegls.

Angelina Cavegn-Hendry ei naschida ils 5 d'uost a Cavorgia, in pign vitget da maunsut ella biala Val Tujetsch. Ses geniturs ein stai Vigeli Hendry e Margrit nata Schmid. En in sempel ambient puril ha Angelina passentau in'emperneivla affonza cun aunc tredisch fagliuns. Temps dall'emprema uiara mundiala. Trentels onns. Segidar in cun l'auter era la devisa en la gronda famiglia. Suenter ver frequentau la scola a Cavorgia hai giu num ir a fumitgasa tscheu e leu. Cun 17 onns ei l'Angelina sepladida tier



Thomas Cavegn sattler sco el vegneva numaus. Sia dunna Johanna era morta en pigliola e schau anavos el cun siat affons. Quels havevan er basegns d'ina buna fumitgasa, meglier detg d'ina buna mumma. L'Angelina ha giu gronda affecziun pils af-fons ed era per siu patrun.

G'onn 1935 marida ella il Thomas. Dieus schenghegia ad els aunc sis affons. La famiglia era carschida sin tredisch dëls. Tgei lavur e quita pils conjugals en quels onns da scartezia. Cun fidonza sin «Ura e lavura Dieus Tei gida lura». Quei ha dau forza da mirar pil beinstar dalla gronda famiglia. Il

Angelina e Thomas Cavegn-Hendry



Famiglia Cavegn-Hendry

Davontier seniester: Vigeli, Silvia, Aluis, Carli, Marta e Christian.
Secunda e tierza retscha affons tratgs si da madregna Angelina,
Da seniester: Thomas, Lucrezia, Tresa, Gion Battesta, Ursalina ed Jgnazi (Florentin maunca)

Thomas sco sellèr haveva adina zatgei lavur da reparar canapès, madrazza, ni era caussas da curom, cumets ect.. Quei deva in mudest gudogn. Angelina haveva quitau dils affons. Pli tard aunc dil biadi Diego. Duront ils onns dalla lavur NOK schavan els vi combras a luvrers jasters per haver empau dapli gudogn. Gl'onn 1964 miera siu um Thomas. Ina greva frida d'esser ussa vieua. Mo en cardientscha e lavur ha tut stuiu ir vinavon. Ils affons ein carschi si e fundau atgnas famigliais.

1980 ei la casa barschada giu. Ina nova ei vegnida baghegiada. Angelina ha ussa ina habitaziun nova. Cun plascher passenta ella in triep onns en quella. 2003 miera siu car fegl Aluis. Per la mumma ina greva dolur. La vegliadetgna s'avonza. Muort difficultads dil cor serenda Angelina egl asil S. Vigelel per tgira e quitau. Leu era ella cumentza e selamentava mai. Ella selegrava sin mintga viseta da ses cars. La veta d'Angelina ei buca mo stada rosas. Mo ella ha dumignau tut.

Ella aulta vegliadetgna da 94 onns ha il Segner clamau sia survienta tier el. Tes affons, biadis, parents e tuts ein trests, mo vegnan a salvar Tei en buna memoria. Per tut prestau grond engraziament. Ussa gauda la gloria celestiala.

Cara Angelina ruaussa en pasch.

Vinzens Pally